



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 220

DATUM: 27.05.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Premينو gradonačelnik Husejin Smajlović

1

Saradnja Saveza općina i gradova Federacije BiH sa Parlamentom Federacije BiH

1

Studijska posjeta Institutu za javnu upravu u Dublinu

2

Među najboljim praksama reforme u Općinama Bosanska Krupa i Tešanj

2

Treći sajam turizma i eko proizvoda u Jajcu

3

Prezentacija EU projekta "Lokalna partnerstva za zapošljavanje"

4

Objavljen javni natječaj Unaprijeđenje poduzetničkih zona u FBiH za 2016. godinu

4

Najava Konferencije "Reformski dijalog lokalnih i centralnih vlasti u FBiH"

5

Javni poziv za prijavu infrastrukturnih projekata

5

Najava obilježavanja dana općina i gradova za mjesec juni/ lipanj

6

Bilten Saveza općina i gradova Federacije Bosne i Hercegovine

PREMINUO GRADONAČELNIK HUSEJIN SMAJLOVIĆ



U Zenici je nakon teške bolesti, u 65. godini života preminuo Husejin Smajlović, gradonačelnik Grada Zenica i dugogodišnji predsjednik Predsjedništva Skupštine Saveza općina i gradova Federacije Bosne i Hercegovine. Gradonačelnik Smajlović je na prvim neposrednim izborima na načelnike općina izabran u mandatu 2004-2008. godina. Na izborima 2008. godine izabran je za načelnika Općine Zenica osvojivši najveći broj glasova u poređenju sa svim drugim kandidatima za načelnike u BiH. Na izborima 2012. godine ponovio je uspjeh ubjedljivom pobjedom nad protivkandidatima. U posljednjih deset godina obnašao je visoke funkcije u Savezu gradova i općina FBiH i pokrenuo niz inicijativa s ciljem ostvarivanja snažnijeg uticaja lokalnih vlasti u procesu odlučivanja. Inicijator je važnih međupćinskih projekata kojima se ostvaruje bliža saradnja na općinskom nivou. Na Skupštini Saveza općina i gradova Federacije Bosne i Hercegovine, u dva navrata (2009. i 2013. godine), biran je za predsjednika Predsjedništva Skupštine Saveza, i tu funkciju je obavljao u periodu 16. aprila 2009. - 28. juna 2011. godine i 7. februara 2013. - 23. februara 2015. godine.

SARADNJA SAVEZA OPĆINA I GRADOVA FEDERACIJE BIH SA PARLAMENTOM FEDERACIJE BIH

Predstavnici Parlamenta Federacije BiH i Saveza općina i gradova Federacije BiH ocijenili su na sastanku održanog u Konjicu 26. maja/ svibnja, da je neophodno nastaviti aktivnosti s ciljem daljeg unapređenja suradnje Saveza općina i gradova FBiH s Parlamentom Federacije BiH radi stvaranja poticajnog okruženja za razvoj lokalne samouprave. Nakon izlaganja i rasprave zaključili su da se poboljšanom suradnjom može doprinijeti kvalitetnijem sudjelovanju lokalne samouprave u integriranju propisa i principa Europske unije i u skladu s tim principima pružanju kvalitetnije usluge građanima na lokalnom nivou. Istaknuli su da je bitno uspostaviti kontinuiranu praksu uključivanja Saveza u proces konsultacija o zakonima i propisima kojima se reguliraju prava i obaveze jedinica lokalne samouprave, te druga pitanja od interesa za lokalne zajednice. "Potrebno je dati punu podršku primjeni postupka procjene utjecaja pri izradi novih propisa u oblastima od značaja za razvoj lokalne samouprave da bi se osigurao najviši nivo uključenosti u konsultacije svih zainteresiranih subjekata i izbor najboljih zakonskih rješenja, provedivih u realnim fiskalnim okvirima.



Gledajte Savez općina i gradova
Federacije Bosne i Hercegovine na



Sporazumom o saradnji Saveza općina i gradova FBiH i Parlamenta Federacije BiH uključiti i izvršnu vlast FBiH s ciljem što efikasnijeg zastupanja interesa jedinica lokalne samouprave" saopćili su iz Saveza. Predsjednik Odbora za pravdu, opću upravu i lokalnu samoupravu Doma naroda Parlamenta Federacije BiH Slaviša Šućur ocijenio je današnji sastanak kao dobru priliku za stvaranje zajedničke platforme u oblasti jačanja položaja lokalne samouprave u Federaciji BiH, usklađivanja radnih planova i koordinacije budućih aktivnosti. Direktorica Saveza općina i gradova Federacije BiH Vesna Travljanin kazala je da postoji suradnja Saveza općina i gradova Federacije BiH s komisijama za lokalnu samoupravu Parlamenta Federacije BiH, ali kao i uvijek postoji prostor za unapređenje te suradnje. "Cilj današnjeg sastanka je informirati članove parlamentarnih komisija o našim aktivnostima u oblasti zakonodavstva koje bi trebale doprinijeti efikasnijem djelovanju jedinica lokalne samouprave, ali i o problemima s kojima se susrećemo u zastupanju interesa naših članica", istakla je Vesna Travljanin. Sastanak o temi "Suradnja Saveza općina i gradova Federacije BiH s Parlamentom Federacije BiH" dio je projekta "Podrška savezima općina i gradova", koji zajednički provode Savezi općina i gradova Federacije BiH i Republike Srpske u suradnji s Misijom OSCE-a. Projekt ima za cilj jačanje saveza u zastupanju i lobiranju interesa jedinica lokalne samouprave putem osnaživanja međuopćinske i međuinstitucionalne suradnje unutar BiH.



"Cilj današnjeg sastanka je informirati članove parlamentarnih komisija o našim aktivnostima u oblasti zakonodavstva koje bi trebale doprinijeti efikasnijem djelovanju jedinica lokalne samouprave, ali i o problemima s kojima se susrećemo u zastupanju interesa naših članica", istakla je Vesna Travljanin.

STUDIJSKA POSJETA INSTITUTU ZA JAVNU UPRAVU U DABLINU



U toku je studijska posjeta Institutu za javnu upravu u Dublinu (Irska), koju je LOD IV projekat organizirao za načelnike i gradonačelnike partnerskih i pridruženih jedinica lokalne samouprave, predstavnike Ministarstva pravde BiH, Saveza općina i gradova FBiH i Saveza općina i gradova Republike Srpske. U ime Saveza općina i gradova Federacije BiH u studijskoj posjeti učestvuje načelnik Općine Centar Dževad Bećirević.

Tokom prvog dana posjete, učesnici studijskog putovanja su imali priliku da posjete Ured gradonačelnika Dublina te razgovaraju sa predstavnicima lokalne vlasti i podijele svoja iskustva u rad na lokalnom nivou.



MEĐU NAJBOLJIM PRAKSAMA REFORME U OPĆINAMA BOSANSKA KRUPA I TEŠANJ

Grupacija Svjetske banke i ove je godine u Washingtonu organizovala sastanak na kojem su razmijenjene najbolje prakse i iskustva sa prethodnih projekata vezanih za poboljšanje poslovnog okruženja. Tom prilikom su putem video linka iz Sarajeva predstavljeni i primjeri općina Bosanska Krupa i Tešanj. Prezentirana su iskustva i rezultati Projekta poboljšanja poslovnog okruženja u BiH kojim su, između ostalih, bile obuhvaćene i ove dvije općine. Aktivnosti na reformama, čiji je cilj bio privlačenje investicija u lokalne zajednice, rađene su u koordinaciji sa općinama i unutar njihovih razvojnih planova za brži rast i prosperitet.



U tom smislu, posebno su vrijedni projekti koje je Općina Bosanska Krupa provela u saradnji sa grupacijom Svjetske Banke, u okviru kojih smo kroz pojednostavljivanje procedura, izlazak investitorima u susret i promjenom mentaliteta državnih službenika da su oni tu na usluzi građanima, značajno poboljšali usluge za privatni sektor, te uspostavili sistem postinvesticijske brige o investitorima", istakao je Armin Halitović, načelnik Općine Bosanska Krupa. Općina Bosanska Krupa već pet godinu

zaredom bilježi pozitivne trendove ekonomskog rasta i razvoja. Investitorima nudi atraktivne lokacije za investiranje, efikasan općinski servis koji olakšava proces investiranja i poslovanja, poticaje koji stimuliraju ulagače, te pruža druge oblike podrške u procesu investiranja, postinvesticijske brige i poslovanja za sva poduzeća.

Veliki priliv domaćih i stranih investitora u posljednjih pet godina bilježi i općina Tešanj. Stoga ne čudi činjenica da je britanski Economist ovu općinu prepoznao kao „dom iznenađujućih industrijskih klastera usprkos stagnirajućoj ekonomiji, visokoj nezaposlenosti i disfunkcionalnoj vlasti u Bosni i Hercegovini“. "Projekt koji smo realizovali sa Svjetskom bankom je integriran u sistem upravljanja kvalitetom. On je ustvari doprinio efikasnosti rada administracije i njenoj transparentnosti i generalnom smanjenju direktnih i indirektnih troškova koje imaju investitori i koje ima općinska administracija. Mi smo u prošloj godini imali primjere da smo u roku od dva dana izdavali urbanističku i građevinsku dozvolu za firmu koja je obezbijedila 50 novih radnih mjesta. Da bi taj poslovni subjekt radio, maksimalno smo skratili rokove za izdavanje dokumentacije. Naša satisfakcija je da radnici čim prije dobiju posao", pojašnjava Suad Huskić, načelnik Općine Tešanj. U posljednje četiri godine izvoz iz Tešnja je porastao za gotovo 90 % na oko 350 miliona KM, a proizvodi se izvoze u preko 60 zemalja svijeta. Istovremeno, bilježe se i značajne reinvesticije postojećih domaćih i stranih kompanija. Ukupni prihod privatnog sektora u 2014. godini je iznosio 1,384 milijarde KM, a registrovano je ukupno 89 miliona KM investicija domaćih i stranih privrednika. Grupacija Svjetske banke nastavlja aktivnosti na unapređenju poslovnog okruženja na lokalnom nivou u BiH u okviru projekta LIFE, u saradnji sa Britanskom ambasadam u BiH.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.dcc.bih-mne.org
www.srb-bih.org
www.dcc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

TREĆI SAJAM TURIZMA I EKO PROZVODA U JAJCU

Protekli dani su u Jajcu bila u znaku 3. Sajma turizma i eko proizvoda STEP 2016, koji je označio i početak turističke sezone u Jajcu, a novim, obogaćenim sadržajima, Sajam je ove godine privukao veliki broj izlagača. Grad Jajce je uz 3. Sajam turizma i eko proizvoda STEP-Jajce 2016. dobio i gradski sat. Sajam je otvorio Premijer SBK/KSB Tahir Lendo podsjećajući da je maj mjesec prepun sajamskih događaja kojima se može ponositi i Srednjobosanski kanton.



Pozdravljajući goste i izlagače Načelnik Općine Jajce Edin Hozan poručio je da je cilj ovog sajamskog projekta poslati poruku iz Jajca o značaju očuvanja domaće proizvodnje. „Sretan sam što već treću godinu organizujemo ovu za nas značajnu manifestaciju promocije turizma i eko proizvoda. Želimo uključiti što veći broj naših građana u eko proizvodnju i u tom smislu ovogodišnji Sajam obilježićemo i stavljanje u funkciju dva mlinčića na Plivskom jezeru. Mlinčići će mljeti žito i biti svojevrsna turistička atrakcija za posjetioce. Sve ovo treba da rezultira u širenju i bogaćenju gastronomске ponude, a svakako i ponude naših ugostitelja“, rekao je Načelnik Hozan. Svečanosti otvaranja Sajma prisustvovali su ministri u Vladi SBK na čelu sa Premijerom Tahirom Lendom, načelnici općina iz SBK i delegacije gradova partnera Jajca:



Grb Općine Jajce



Grada Virovitica predvođena gradonačelnikom Ivicom Kirinom i Tomislavgrada predvođena predsjedavajućim Općinskog vijeća Matom Kelavom, te Grada Novska, s kojim Općina Jajce ima dobru saradnju, predvođena gradonačelnikom Vladom Klasanom. Sajam je održan na otvorenom, u centru grada, između dvije kapije, a ove godine okupio je više od 40 zainteresovanih proizvođača eko proizvoda, turističke agencije, hotelijere i ugostitelje iz svih gradova Bosne i Hercegovine, ali i inostranstva. Po drugi put na Sajmu se predstavila Virovitica, a po prvi put Udruga bosanskih Hrvata „Prsten“ iz Zagreba. Generalni pokrovitelj 3. Sajma turizma i eko proizvoda „STEP Jajce 2016“ je Općina Jajce, a nositelj aktivnosti bila je Agencija za kulturno-historijsku i prirodnu baštinu i razvoj turističkih potencijala grada Jajca.

PREZENTACIJA EU PROJEKTA „LOKALNA PARTNERSTVA ZA ZAPOSŁJAVANJE”



Međunarodna organizacija rada (ILO) je predstavila 23. maja/svibnja u Sarajevu novi trogodišnjeg projekat koji finansira EU "Lokalna partnerstva za zapošljavanje" čiji cilj je poticanje održivog, partnerski orijentiranog aktivnog tržišta rada na lokalnim razinama. Projekt je dio EU programa za lokalni razvoj i zapošljavanje, koji predstavlja nastavak pojedinih aktivnosti Programa za oporavak od poplava u oblasti ekonomskog oporavka u područjima pogođenim poplavama, a također će podržati lokalni ekonomski razvoj i lokalne

nevladine organizacije. Ukupna vrijednost projekta koji provodi ILO je 4,4 miliona eura, od kojih su 3,3 miliona eura namijenjena za dodjelu bespovratnih sredstava lokalnim zajednicama u Bosni i Hercegovini. Zainteresirane jedinice lokalne samouprave, privredni subjekti, obrazovne institucije, zavodi za zapošljavanje i nevladine organizacije pozvane su da zajednički pripreme i kandidiraju projekte koji bi pospješili otvaranje novih radnih mjesta i institucionalizirali suradnju između ovih pet aktera. Ovo je prva u nizu od 14 prezentacija koje će biti u priličene širom Bosne i Hercegovine kako bi informacije o projektu uspjele doprijeti do što šireg kruga zainteresiranih. Prezentacije će se održati još u:

- Brčko, 27. maja/svibnja u 12:00 - Hotel Grand Posavina, Trg Mladih 4
- Dobo, 30. maja/svibnja u 12:00 - Dom Vojske u Doboju, Cara Dušana bb
- Banja Luka, 31. maja/svibnja u 12:00 - Banja Luka College, Miloša Obilića 30
- Prijedor, 1. juna/lipnja u 12:00 - JU Zavod za izgradnju grada Prijedor, Miloša Obrenovića 18c (preko puta gradske tržnice)
- Bihać, 2. juna/lipnja u 12:00 - Muzej Unsko-sanskog kantona Bihać, Ulica 5 korpusa br. 2
- Livno, 3. juna/lipnja u 12:00 - TBC
- Mostar, 6. juna/lipnja u 12:00 - Gradska vijećnica, Hrvatskih branitelja bb
- Trebinje, 7. juna/lipnja u 12:00 - zgrada Gradske uprave, Vuka Karadžića 2
- Nevesinje, 8. juna/lipnja u 12:00 - zgrada Opštine, Cara Dušana br.44

Za dodatna pitanja molimo Vas da nas kontaktirate putem e-mail adrese: kadribasic@ilo.org

„Sretan sam što već treću godinu organizujemo ovu za nas značajnu manifestaciju promocije turizma i eko proizvoda. Želimo uključiti što veći broj naših građana u eko proizvodnju i u tom smislu ovogodišnji Sajam obilježiti i stavljanje u funkciju dva mlinčića na Plivskom jezeru”, rekao je Edin Hozan.



International
Labour
Organization

OBJAVLJEN JAVNI NATJEČAJ UNAPREĐENJE PODUZETNIČKIH ZONA U FBiH ZA 2016. GODINU

Javni natečaj za odabir korisnika Grant sheme "Unapređenje poduzetničkih zona u Federaciji BiH za 2016. godinu". Federalno ministarstvo razvoja, poduzetništva i obrta raspisalo je Javni natečaj za odabir korisnika Grant sheme „Unapređenje poduzetničkih zona u Federaciji Bosne i Hercegovine“ u cilju podrške poboljšanju poslovne infrastrukture i realizaciji potencijala poduzetničkih zona u svrhu gospodarskog rasta i zapošljavanja na lokalnom nivou. Sredstva iz Grant sheme će se usmjeriti na izgradnju nove i unapređenje postojeće infrastrukture i usluga za razvoj poduzetničkih zona u Federaciji Bosne i Hercegovine. S tim u vezi, projektni prijedlozi moraju odražavati razvojne prioritete jedinica lokalne samouprave te doprinositi ostvarivanju osnovnih ciljeva Grant sheme, a to su:

- Izgradnja komunalne infrastrukture unutar poduzetničke zone, tamo gdje nedostatak iste predstavlja prepreku razvoju poduzetništva;

- Unapređenje usluga za razvoj poduzetničke zone kao faktora za gospodarski rast na lokalnoj razini.

Korisnici sredstava Grant sheme mogu biti jedinice lokalne samouprave u Federaciji Bosne i Hercegovine, samostalno ili u partnerstvu sa drugim

(susjednim) jedinicama lokalne samouprave, drugim javnim ustanovama, privatnim ili nevladinim sektorom. Financijski doprinos Grant sheme po pojedinačnom projektu s kojim se prijavljuje ne može biti niži od 100.000 KM niti viši od 200.000 KM. Sufinansiranje od strane jedinice lokalne samouprave koja se prijavljuje za bespovratna sredstva iz Grant sheme je minimalno 25% od ukupne vrijednosti projekta. Ukupno trajanje projekta ne može prelaziti 7 (sedam) mjeseci od datuma potpisivanja ugovora, a realizacija projekta treba biti okončana do kraja ožujka/marta 2017. godine. Krajnji rok za podnošenje projektnih prijedloga je (petak) 03. 06. 2016. godine. Kompletan dokumentacija Javnog natjecaja se nalazi na [LINKU](#).



FEDERALNO MINISTARSTVO RAZVOJA,
PODUZETNIŠTVA I OBRTA

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

NAJAVA KONFERENCIJE “REFORMSKI DIJALOG LOKALNIH I CENTRALNIH VLASTI U FBiH”



jedinica lokalne samouprave. Pored navedenog, tematizirat će se i pitanje kapitalnih investicija u jedinicama lokalne samouprave, te pitanje uključivanja građana u proces donošenja odluka, kao i mjere izgradnje integriteta u gradskim i općinskim upravama.

Konferencija će se održati 14. juna/lipnja 2016. godine u Hotelu „Europe“ u Sarajevu sa početkom u 9:00 sati. [DNEVNI RED KONFERENCIJE](#)

Savez općina i gradova Federacije BiH organizuje konferenciju na temu „Reformski dijalog lokalnih i centralnih vlasti u Federaciji BiH“ pod visokim pokroviteljstvom Svjetske banke i Republike Austrije, a u okviru Programa urbanog partnerstva (UPP II). Povod konferencije je uspostavljanje dijaloga, te zajednički reformski nastup različitih nivoa vlasti u Federaciji BiH u pogledu aktuelne problematike vezane za najavljeni novi Zakon o pripadnosti javnih prihoda u Federaciji BiH, kao i problematike prilikom primjene Zakona o stvarnim pravima u Federaciji BiH sa aspekta

JAVNI POZIV ZA PRIJAVU INFRASTRUKTURNIH PROJEKATA

Fond za razvoj komunalne infrastrukture (MIDF) nudi besplatnu tehničku pomoć kao i finansiranje odabranih projekata. Javni poziv je otvoren do 30. novembra 2016. godine, a pristigle prijave će biti ocjenjivane najmanje jednom u tri mjeseca (kvartalno), a ukoliko je potrebno i češće. Za-interesovani se pozivaju da popune obrazac prijedloga projekta, isti potpišu i pošalju putem e-maila na adresu opencall@midf.lu

MIDF je investicijski fond sa sjedištem u Luksemburgu, osnovan od strane EBRD, KfW, i Vlada Austrije, Njemačke i Švicarske, sa ciljem razvijanja komunalne infrastrukture u zemljama Zapadnog Balkana.

[-JAVNI POZIV](#)

[-OBRAZAC PRIJEDLOGA PROJEKTA](#)

[-KONTAKTI](#)

MIDF



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba ili adi@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC JUNI/ LIPANJ

02. juni/lipanj - Dan Općine Gračanica. Na ovaj datum 1429. godine nastao je najstariji pisani dokument o historijskom razvoju gračaničkog kraja u kojem se spominje srednjovjekovni grad Soko, za kojeg se vezuje ime Gračanice. Naime, riječ je o ženidbenom ugovoru između kneza Radivoja i Nikole Veličkog iz 1429. godine, u kojem se Knez Radivoje sklapajući brak sa Katarinom, kćerkom slavonskog feudalca Nikole od Velike (mjesto blizu Slavonske Požege), 2. juna 1429. godine, u Budimu, obavezao da će tastu i punici Margariti, pored ostalog, pokloniti polovinu Sokola i dio svojih imanja u Bosni i Slavoniji.

14. juni/lipanj - Dan Općine Novi Travnik. Na taj dan 1949. godine Josip Broz Tito, kao predsjednik Vlade Federativne Narodne Republike Jugoslavije i ministar narodne obrane, potpisao je Rješenje o osnivanju poduzeća «Bratstvo» na poljima sela Kasapovići, današnji Novi Travnik. Uporedo sa izgradnjom tvornice krenulo se i sa izgradnjom prvih stambenih zgrada, što je s vremenom izraslo u grad.

16. juni/lipanj - Dan Općine Konjic. Ovaj dan je značajan za Konjic jer predstavlja sjećanje na prvo pisano spominjanje imena Konjic iz 1382. godine.

19. juni/lipanj - Dan Općine Živinice. Toga dana 1959. godine odlukom Narodne skupštine NR BiH Živinice dobijaju status općine.

21. juni/lipanj - Dan Općine Srebrenik. Tog dana je 1992. godine Općina Srebrenik oslobođena.

24. juni/lipanj - Dan Općine Vogošća. Za spomenuti datum se vežu dva bitna događaja iz 1953. godine, kada je Općina Vogošća prvi put u historiji uspostavljena kao institucija odnosno jedinica lokalne samouprave, i 1992. godine, tokom odbrambeno-oslobodilačkog rata kada su formirani "Vogošćanski odredi" u Vogošći.

